

www.BibleForChildren.org

Metiu 8



Yesu Filip neka Natanael gezø-akha, timbopavat, yaq khøuwa menas-qa zita-te, ezoqa kopo sævam ndø-okĩ. Keina vemiav-té, ndøgo Gelili plovins-te. Yesu-gu evo møndøgoám, ndøgo lou loge-te. Neka ate Yesú-a, tegi paev ezoqa namba, vøzø-akha, lou loge-te ndøgo.



Yaq waen gùmu-navøém, ta lou loge-te ndøgo. Yesu-gu evo ndøgo matev guqeiv, yaq tunøwáv ndøgo, Yesu vømømbō-ein, “Ezoqa waen nøme mbaín. Møndømu-navøém.” Geté Yesu-gu evo, ndigu lou loge tøke ezoqam, āv guzømbe-eín nqægo, “Gekha manqāt ndøgo, tezø-ein, sègembo-paevém.”



Yaq Yesu ndigu lou loge t̄oke ezoqam
gez̄ø-ein, “Nqanek ib̄økha zīøvem nonqo
ate nqægo, ib̄økhá qaz̄øté-t̄øtv̄øemém.”
Yaq ndigu ib̄økha mu:qouz̄ømém, até
v̄øm̄ø-t̄øtv̄øyam.



Yaq Yesu nõme gezø-ein, “Ibøkha-qase vøtakhaém. Yaq tozombó-etøomém ndégo, ma lou loge-te nde:megeat.” Yaq ndigu até gindigonem, ibøkha-qase vømømbō-etøomem, yaq ndego lou loge megeat ezoqam vøekhamas.



Geté ta ibøkha ndøgo, ibøkha ziøvem nonqo-te
qøugoam, møndø-qambúi, vømō-waen. Ndego
otevateáv, nqanek waen
gekham-tē qanōgeavun.
Geté ndigu tøke ezoqam,
ibøkha ma
gindi-takhaemem,
møndæzøtéz.



Yaq ndego lou loge megeat ezoqam, ndégo tembo-akhá, sævam ndakin ge-okı, vømbō-ein, “Ezoqa waen giyogimatun, bugukhokhof waen eqeieqei-qape, fia kandakanda ndøyogememín.”



“Yaq ezoqa kawa qazø-oktiin, waen fia khapelavøqase zøyogemín. Geté qo waen eqeieqei-qape, sòqo-mendewát, atema ndakin.”



Yesu teqa umingiap matanam
matev, nqáneq genøngáz,
Keina vemiaav-te, Gelili
plovins-te.



Ta mokho-te ndøgo, ndego ezoqa āv genezømās
nqægo: Teqa bazaføgakh kandambá
neka teqa iz, tò:-eqavét.


Yaq tegi paev ezoqam
matev giqeivim, ndigu
gè-unimanqatiním ndego.



Yesu Pita-qá khoev-té genøwáv.
Yaq ge-on, tu-omét ndógo,
Pita-gu zimpuka, ngusu tatas
enqoni mbovitát. Venanqei
nonqo-té gubuvám.



Yaq Yesu pingim mbogea. Yaq enqoni
segembo-navoem. Yaq ndugu ate gundigu,
ge-itán, lou vombota.



Yaq khøuwa gumusinan ndøgo, ezoqa ewaqape,
enqoni qazøgoam o nqova soqøsoqa gizømbu-goam,
Yesu-té gindu-upøgím.

Vemiav-ak ezoqa
ewaqape ndozáv.


Khoev vimá ginømváb.



Yaq gekha enqonī, bugug vinivinimba qazøgoam,
Yesu gèkhakhæz. Ezoqa kopoáv. Neka nqova
soqøsoqa kopoav, ezoqam-qa mokho-te
gizømbu-goam, vøzø-ngeasam. Ndego nqova
soqøsoqa takeáv, manqat timanqatat. Zapa ndøgo,
ndigu møndæzøtéz, ndego gekha ezoqām.



Ezoqa ewaqape, Yesu kha khanøzam-qa
mbogoám. Zapa ndógo, bazaføgakh ndofakhatám
te-te, ezoqa ewaqape
vøkhakhæz.



Ge:zømesimat, yaq ezoqa foa tìndizáv.
Kagi ezoqam ndø-eqeitavún.



Ambá Yesu-té ginø-eqeinamîn.
Geté ezoqa khàpumu-khouwéz,
vøe-ōz.



Yaq até gindigonem, khoev ová
ginøqavíg, yaq ova ndo:go, ma Yesu
ge:qotam, nqa vømō-løozem,
neka ndego enqoni-us
ezoqam, kita-te geqeiam,
sasa
ndøføløtøvem.



Yesu tiqa unimanqatin geqeiv, yaq ngenek kagi ezoqam, āv gembøe-eín nqáégo, “Áti. Qoqa manqa-zapazapa møndøqa-navøém.”

Yaq Yesu até gendego, ngenek kagi ezoqam āv gembøe-eín nqáégo, “No nqataqá-manqate. Mòqo-itán, neka kita vōkhazo, khoev-te sasa ndøqav.”




Yesu khagua-té genøketáo. Yaq tegi paev ezoqam
gèmbopaevé, vøguv, kewan
yaq-keoqa sasa ndøqantav.
Giqantavat, anana-mba
møndu:bøen, mbe-qape
tåndøfeā.




Kandamba tantáv, khagua sasa ndøngetyam,
ambá vø-qambuanemin.
Geté Yesu até gebuvám.



Geté Yesu gezø-qavøiu, “Gekha zapâ, zo mœe ndozogo? Zoqa unimanqatin Mbumbukiam-te khapémbá.” Yaq Yesu gè-itán. Yaq até gendego, khamœe ndøgo, vøfegimam-a, vøvumøyat, manqat sasanqa-us mbo-eín. Yaq ndøgo sègevøitáv. Manqéí sege:veát.



Yesu av ge:matanam ndægo, yaq tegi pæv
ezoqam nqova ndafe kandambá, neka ekeza
mokho-mba gibond, “Ngenek gekha ezoqâm?
É, até khamøe fegim neka khamøe vumøe,
manqat o-mba mbøendapé.”



Mbumbukiam ni manqei-qape ezoqam,
teqa kuku matev kandambaqape, āv
gininømánd nqægo: Ndego ekeza Yo
kopo ni-etoám. Yaq gekha ezoqām
ndeogo, te-unimanqatin, ndeogo
soqaqape géqeivák, geté
khandi miavmiav
ndóndáp.



Lom 3:23

Ni ezoqa ate nqazi:gu, manqa-zapazapa-ús. Ni zibusøtvém, matev, av Mbumbukiam qambøe-pøovam. Yaq ni ambá av nqægo, Mbumbukiam-qā waev-tē qazu:yagē.

Lom 6:23

Zapa ndøgo, manqa-zapa-qa yaq-fia, løvøté. Geté Mbumbukiam-qa etoam matev, ndøgo ni yaq-mba ndini-etoam, ndøgo khandi miavmiáv. Keliso Yesu mokho-té qazindapé, ndego nigi Evezøza.

Iblu 9:27

Ezoqa ewaqape, bèpakhaezát. Kopo mé:nanimát, yaq Mbumbukiam-qa manqa ovøyam-te bemø-itanat.



Efesus 2:8,9

Zo Mbumbukiam-qá kuku matev-té qazøte-khandī:z, zo Yesu qazo-unimanqatinim. Zo ambá av nqægo, zøkeza matev matanam mokho-tē qazøte-khandī:z. Āv taoká. Ndego zo khandi, yaq-mbá segezø-etoám. Zo ambá av nqægo, sasai-qape zøte-khanøzēm. Yaq nakémbá, ezoqa kopømba mbaín, ti:khambuvupat.

Lom 10:9,10

Qo qakeza tou toqote-ein, av nqægo, “Yesu ndego Evezøzā,” neka mbøni mokho-te voqó-unimanqatīn, av nqægo, Mbumbukiam Yesu møndø-khandī:v løvøte-te, yaq qo ndòqo-khandī:q. Zapa ndógo, gekha ezoqām ndego, teqa mbøni mokho-te nde-unimanqatinat, ndego gé-ndaføyamba-év, Mbumbukiam-qa bøi-te. Neka gekha ezoqām ndego, teqa tou-te ndemanqate, av nqægo, “No nò-unimanqatināt,” ndego ndøkhandī:v.



Zion 3:16,17

Mbumbukiam ni manqei-qape ezoqam, teqa kuku matev kandambaqape, āv gininømánd nqáego: Ndego ekeza Yo kopo ni-etoám. Yaq gekha ezoqām ndego, te-unimanqatin, ndego soqaqape géqeivák, geté khandi miavmiav ndóndáp. Mbumbukiam ekeza Yo, nqanek manqei-qape-te, ambá ta zapaya ndøgo tendē-khofotav, manqei-qape ezoqam, manqa ovøyam-tē genó-āb. Geté ndøgo tende-khofotáv, manqei-qape ezoqam, te mokho-te gékhandí:z.



1 Zion 5:11-13

Manqat ndøgo, Mbumbukiam ni-te nde-unimanqatinat, nqáneek: Ndego ni khandi miavmiav ni-etoám. Neka nqanek khandi, ekeza Yo-qá mokho-té qanu:gú. Ezoqam ndego, Mbumbukiam-ge Yo ndembogo, ndego khandi miavmiav mbogó. Neka ezoqam ndego, Mbumbukiam-ge Yo mbain ndego, ndego khandi miavmiav, mbaín. No nqanek manqat tæzømbe-peawám ndógo: Zo ezoqam, zo Mbumbukiam-ge Yo ndozo-unimanqatinat, zo vøezøté, av nqægo, zo khandi miavmiav, ndøzôgó.



Metiu 8-9; Mak 1-2, 4; Luk 4, 8; Zion 2

Storyline by: Edward D. Hughes

Illustrated by: Byron Unger, Lazarus,
and Alastair Paterson

Adapted by: E. Frischbutter, Sarah S.

Kuni-Boazi NT (kvg) ©2018, Wycliffe Bible Translators, Inc.
All rights reserved.

<https://www.bible.com/bible/2085/MAT.1.KVG>

©2026 Bible for Children, Inc.

www.M1914.org

www.bibleforchildren.org

